

*Sigle: B1523*

*Aufbewahrungsort: Königliche Bibliothek der Niederlande*

*Signatur: NK 119*

[AIr,01]¶ hyer beghint finte Ancel=  
mus passie.

[AIIr,01]Die heylige man finte ancelm?  
onfer lyeuer vrouwen vryent  
badt sijnder lieuer vriendinne  
der maghet marien / der moe=  
der gods os lyefs herē ihu xp̄i lange ffont  
met tranē eñ met groter bitterhede dat|fe  
hem openbaren woude eñ vertellen dye  
passie haers lyefs kints ihu xp̄i. T||en lestē  
hoorde dye heilighe maghet sijn gebet eñ  
dede op haren foeten mont eñ feyde. alsoe  
groot is die passie eñ dye doot mijns liefs  
kijnts dat|fe nyemant vertellen en mach  
sonder arbeyt. eñ sonder wee van herten  
Mer ic bin nv so gheglorioest dat ic nem=  
mermeer weenē en mach noch arbeyden  
Daer#om sal ic|fe v vertellen also si gefcyet  
is. eñ sijn doghen mede. Doen vraghede  
Ancelmus segghet my mijn alder#lyeffte  
vryendinne mijn. hoe was dat beghinfel  
van|der passien dijns lyefs fueten kints.

Maria antwoorde. doē mijn alder#lyeffte  
[AIIv,01]kijnt op#ffont eñ den auont#maeltijt was  
gedaen. doen ffont op iudas scharioth eñ  
ghinc tot|ten princen der ioden eñ vercoft  
mij lieue kint om. xxx. penninghē eñ ghe=  
loefden den ioden te leuerē. Eñ die quade  
iudas was alsoe ghierich doē hi die pēnin(=  
ghē fach dat hi ihus mijnē lieuē fone ouer(=  
gaf daer#ōme Nochtā hadt hē ihus dicwil  
gefeit te#vorē eñ haddē gewaerfcout daer(=)

af. ¶ Ancelmus fprac seg||t mi alder#lieffte  
vrouwe eñ vriendinne waerd||y doen met  
uwē kinde eñ met finen iongers. Maria  
antwoerde hē. doe mij lief kint finē auont(=  
mael eten dede eñ die voeten dwoech fijn=  
re ionghers. eñ hi hem finen lichame gaf  
tot eenre spijfen. Ende fijn ghebenedijde  
bloet gaf tot eenen drancke. Eñ hy hē fue=  
telijke predicte van fijnder godheit. eñ dat  
hi vā hem foude fceiden. Eñ dat hi weder(=  
comen foude. Eñ dat hij|fē dan verblijden  
foude. eñ die blijfcapen foude hē niemant  
[AIIIr,01]nemen. Doen al dit gefchiede eñ doen||t al=  
gader was ghedaen eñ mijn lief kint ghe(=  
feyt hadde tot iudas. Datt|u wille hebbes  
te doē dat doet vollijke. Doen ftont iudas  
vp eñ ghinc metter#nacht wt. Ende doen  
fprac ihus. vader nv is die vre comen ver=  
clare nv dij lyef kint. Vader ic fal te#nacht  
wordē gheuaen. eñ dye iodē fullē mi mor=  
ghē aen|dē cruce flaen. Ancelmus feyt fege  
my maria vryendinne werwert ginc doē  
ihus dijn lieue kint eñ fijn ionghers. Ma(=  
ria antwoorde. Mijn lieue foen ghinc vā  
den berghe van fyon eñ fijn iongers met  
hē by eenre poorten dye hyet natatorium  
fyloe. Daer was eenē hof daer hi in plach  
te gane flapen met finē iongheren. Doen  
hi daer quam nam hy drie fijnre iongers  
mit hē iohānes iacob eñ peter eñ fprac tot  
hē kinder eñ lieue iongers ic fegge u wāt  
ghi fijt mijn wtuercoren vrienden. Mijn  
fielē is bedrukt tot|ter doot. Sidt hyer ne=  
[AIIIv,01]der ende ontbeydt tot dat ick weder#come  
eñ ick mijn ghebet ghedaen hebbe. Doen  
ghinck hi op|t||en berch van olyueten alfoe

verre van finen iongherē alſmen werpē  
mochte met eenen ſteene. eñ aenbede finē  
vader aldus hoort mij alder#lieffte vader  
want goedertieren is dijn ontfermhertic=  
heyt. en keer dijn aenſchijn niet vā dijnen  
lieuen kinde. verhoort mi ende gheeft my  
verftant mijnre fielen. ende quijt|ſce vā ha(=  
ren viandē. ¶ Ancelmus vraghede waer(=  
om badt hi aldus. Maria antwoorde om  
driederhande ſakē wijlle. D||eerfte ſake is.  
hi was met alderhande lieflicke cleynder  
ſpijſen gheuoet alfo met|ter borſt der reyn(=  
der meghet marien. ¶ Die anderde ſake  
is dat hē alfoe groten anxt in ſijnre ſyelen  
ſtorte dat ſijn ſweet verwandelde in drup(=  
pen van bloede. eñ neder#lopende vā finē  
lichame want hi was god ende menſche.  
Want vā ſijnder godheden ſo heeft hi dat  
[AIVr,01]hi weet alle dinck te#voren. Ende hier#om  
wifte hy wel wat tormenten hi lijden fou=  
de. Die ſpuwinghe ende dye ſpekellinghe  
eñ dye doorboringhe der groter plomper  
naghelen. ende die croone van doerne. eñ  
die hertbrekinghe dat hem ſijn ghebene=  
dijde herte brac ontwee. Ende ſijn aderen  
ſchoerden. eñ ſijn ſchone minnelike oghē  
braken. Dat dit aldus foude ſijn dat wifte  
hi wel te#voren in ſijnre godheit. daer#om  
zweete hi bloet van groten anxte. ¶ Dye  
derde ſake was dat hi wel wifte dat die io(=  
den ſijns niet en fouden ontfermen. daer(=  
om badt hi anderweruē finen hemelſchē  
vader aldus. Vader oft moghelijck is ſoe  
doe||t van my wech den kelck der bitterder  
pijnē. Nochtās lieue vader heere niet mij=  
nen wille. mer den uwen moet gheſchien

Doen openbaerde hē een enghel van|den  
hemelſchen throone dye hem mijnnelijck  
troefte eñ feyde. Sijt gheftadich eñ ſterck  
[AIVv,01]hore mijn nv falt|u des menſchē fielen ver(=  
loffē. ende dijn vaders ghebot veruollen  
met dijnre bitterder doot. Hier#nae ftont  
op mijn lief kint eñ ghinc tot finen lieuen  
ionghers eñ vant|ſe flapende eñ feide. Ay  
kindere eñ mijn lieuen iongers ghy feydt  
Ghi foudt gaen met mi tot in die doot. eñ  
ghy en cont met my een luttel nv in defer  
tijt van nv niet ghewakē. Eñ hi feyde fla=  
pet eñ ruft. hi naket die mi leueren fal den  
ioden. Doen ghinck mijn lyef kint derde=  
werf weder te finen ghebeden eñ quā we=  
der eñ vant|ſe flapēde. eñ īhus feide Stant  
op eñ fiet die#ghene die mi fueckē ſi comē.  
Doen faghē ſi op alle dat iudas quā met  
groter ſcharen vā volcke. Eñ iudas ſprac  
tot|ten iodē. twee ſijnder alfo ghelijc. d||een  
is īhus d||ander iacob van welcken ic v fal  
gheuē een merckelijc teekē. eñ den#ghenē  
die ic cuffen fal die eef||t neemt hem Iudas  
ghinc vore eñ dye ſchare volghede hē na<e>  
[AVr,01]eñ iudas feide god gruet v meefter. eñ ihe(=  
fus antwoerde goedertierlike. Ay vryent  
waer#toe bift|u comē. Daer#nae ſprac īhus  
tot|ten ſcharē wien foect||y. Eñ ſi antwoor=  
den Īhm vā nazarene. Doē ſprac ons lye=  
ue heere. Ic ben||t. Eñ doen hy dat ghefeyt  
hadde. Ic ben||t. Doen vielen ſi allē achter=  
wert t||er aerden neder ouer harē rugghe  
Anderweruē feyde īhus wien foect||i. ſi fei=  
den īhm vā nazarene. eñ hi feyde noch. Ic  
ben||t. Of ghi my foect neemt mi ende laet  
mine lieue ionghers gaen. want ſi en ſijn

niet bereyt te fteruē met mi. doen quā iu=  
des voort eñ cuften onfen heere aen finen  
mont. doen fprac ihus. Ay iuda iuda met  
eenē cuffen verrad||i mi. eñ leuert des men=  
fchen fone in dye handē der iodē. eñ die fel(=  
le iodē ftakē haer handē aen hē. eñ bondē  
hē fine handē. eñ verbondē hē fijn oghen  
daer dye enghelen inne begeerdē te fiene.  
Doen dat peter fach trac hy wt fijn fwert  
[AVv,01]eñ floech eenē knecht die malcus hiet fijn  
rechter oor af. ¶ Ancelmus vraghede on=  
fer lieuer vrouwē oft daer ooc gheschiede  
eenich mirakel. Maria antwoorde Ja||et.  
mijn lieue fone nam dye ore des knechtes  
eñ fette||t hem weder ane eñ feide tot peter  
Stect weder v fweert in fijnder fceyden.  
Allen die met|tē fweerdē flaen. fullen met=|  
ten fweerde verflaghē wordē En weetft|u  
nyet peter dat ic mochte biddē mijnen va=  
der eñ dat hi my foude gheue .xij. duyfent  
fcharen der engelen. eñ doen ghinghē die  
iongherē alle vlyen. ¶ Ancelmus vrage=  
de fegt my maria roofē waerd||y doen met  
uwen lyeuen kinde. Maria antwoorde.  
Neen ic. Ancelmus fprac. Wat bediede dz  
want ghy hē fo feere mindet. Maria ant=  
woorde hē het en hadde nyet wel geftaen  
dat|men eender vrouwe in|der nacht von=  
de daer#buyten alleene met vele mannen  
¶ Ancelmus vraghede fegt mi|lieue weer(=  
[AVIr,01]de vrouwe waer waerd||i doē. Maria ant=  
woorde. Ic was in|den huysē mijnder lye=  
uer fufter fint ians euangeliften moeder  
¶ Ancelmus vraghede in wat manieren  
quaemt v dan te weetene eñ wie feydet v  
dan. Maria antwoorde. hoort mijn lieue

vrient dat alte weenlijc is om horen. Dye iongheren mijns liefs kints quamē ghe= lopen al of fi hadden gheweest verwoedt en haer handē flaende. ende al weenende bitterlike. en riefen oetmoedelike. o alder(=) lieffte vrouwe v alder#lieffte kint os lieue meester ih̄us is gheuanghē. en wi en weten nyet waer hy henen is gheleyt. fy ley= den||en henen al ghebonden. wy en weten niet of hi is ghedoot oft wat fi hem hebbē ghedaen. Ancelmus sprack. En weende ghy doen niet mijn alder#lyeffte vrouwe. Maria antwoerde. Iae ic herde feere wel fueete vrient. Ick en can||s v vertellen niet. Nochtā weet ic herde wel dat hi daer#ō vā [AVIv,01]finen vader was ghesent. Om#dat hi met fijnder doot verloffen foude des menschē fielē wt||er noot. Maria sprac om die moederlike minne dye ic hadde tot mijnē sone ih̄u. so ghinc dat sweert des rouwen door mijn siele. ¶ Ancelmus vraghede segt mi weerde maghet maria wtuercoren vrien(=) dinne werwert was hi doē gheleyt. Maria antwoerde te Iherusalem yeghē den tempel was hi gheleit in annas huys die cayphas zwagher was En ānas vragede hē vā sinē iongers en vā sijnre leeren. en ih̄us mijn foete kint antwoerde herde fue= telike. ick hebbe altoes openbaer ghespro= ken. En in|der synagoghen gheleert daer alle die ioden vergadert waren. en in hey= melike steden en heb ic niet gheleert Wat vraechd||ij||s my. vraghe||s den#ghenen dye||t vā mi ghehoort hebbē. Doen ftont op een van dē dienst#knechten en gaf hem eenen kinneback#flach aen sijn gebenedide wa<n>(=)

[AVIIr,01]ghen en feyde. hoe antwoortft|u fo onfen  
here den biffchop. En mijn lieue kint ant(=  
woorde hē herde goedertierlike. of ic qua=  
lick ghesprokē hebbe foe gheeft ghetughe  
van|dē quade. Mer heb ic wel ghesprokē  
waer#om flaetft|u mi dan. Doen bonden|fe  
hē fijn handē. en verbondē hē fīj oghē oft  
hadde gheweest een dief. dat noyt man en  
gheschyede hy en hadde veroerdeelt ghe=  
weest. En bespotten hē al|dē nacht. En be=  
spuden hē in fijn lieflijc aenschijn met ha=  
ren vuylen speekelen. En vrageden hem  
Segt en propheteert os xpe wie floech dy  
Iohānes ghinc in dat huys want hi was  
wel bekend met|tē biffcop. En leyde peter  
met hem in dat huys. en den welckē peter  
die wachterfche t||er doorē sach sprac tot hē  
Du bist een van|dē iongherē des mensche  
die hier gheuaen is. En peeter lockende||s  
drie#weruē met ghesworenē eede dat hij||s  
niet en kende noch noyt gesien en hadde.  
[AVIIv,01]En althans fo fanck die hane. Ende onse  
heere sach omme en sach peter ane. Recht  
oft hi feggē woude. Du feydts wie mi be=  
gaue du en foudts mi niet begheue Peter  
peeter dat ick v feyde dat heb|ly nv waer  
vondē. O Petre ic ben alleen in die perffe  
bleuen. en alle mannē hebbē mi begheue  
En peter ghinck wt en floech fijn handen  
ende weenden bitterlijcke om#dat hi fijns  
meesters gheloochent hadde foe haestelijc(=  
ken. ¶ Ancelmus vraghede. waer waer=  
d||y doen mijn alder#lieffte vriendinne ma=  
ria doen hy dit feyde. Maria dye fuete en  
wel rykende roofte antwoorde te hans al=  
fo dye iongheren mijns lyefs kints lijden

vertrockē dat daer was gheschyet. Doen  
beueden alle mijn leden. ende door mijne  
fiele ghinck een sweert. Doen ftond|ick op  
ēn ghinck met maria magdalena ieghen  
den tempel in annas huys. ēn ick woude  
ingaen maer die quade iodē en lieten my  
[AVIIIr,01]niet in. Doen moeft ic daer#buyten bliuen  
ftaende weenende bitterlijcken. ende riep  
met eender luyder ftēmen. Ay mijn alder(=)  
lieffte kint. Wie ſal mijnen oghen gheuen  
lycht. Mijnen hoofde water. Ay my alre(=)  
droeffte moeder. wie ſal mijnē oghen ghe=  
uen fonteyne der tranē. op dat ic mach be=  
weenē dye doot mijns liefs kints. Maria  
magdalena lyep al#ōme als een verdoelt  
wijf. ēn ghinc t||en venfteren ende hoorde  
loochenen peter. ende haer fiele wert ver=  
uert van binnen. om#dat die prince alder  
apoftelen ſo vollike loochede finē meefter  
ēn feyde. O ih̄u wat ſal dy te deele vallen.  
oft wat fall||s werden vā dy. Wel hertelijke  
lieue vrient. alfoe die prince der apoftelen  
dijns loochent dat hi dy niet en kent. o ih̄u  
ic en ſal di nēmermeer loochenen noch af=  
gaen. ēn daer ftōt ooc maria ſijn bedructe  
moeder butē vol vā wee. ēn vol vā rouwe  
ēn hoorde die beſpottinghe ēn die nijdighe  
[AVIIIv,01]verſmade woorden die hi leet. ēn doen pe=  
ter quam daer#buytē ēn hi ſijns meefters  
ghelogent hadde. vant hi ons daer#buten  
ftaende my ēn maria magdalena. ende ic  
riep bitterlike. peeter peeter. hoe eef||t met  
dijnen meefter / met mijnen lieuen kinde.  
Ay peeter du hebbes mij lieue kint beghe=  
uen. ēn het is alleene in die perffe bleuen.  
ēn peeter antwoorde met eender weende=



liker ftēmen. Ay my alder#lieffte vrouwe.  
dijn fuate kint wert ghepijnt fonder ont=  
fermherticheyt eñ geordeelt tot|ter doot  
doen ghinc hi in een ftede gheheten galli=  
cantus eñ berch hē. ende en openbaerde  
hē niet voer#dat xps doot was aen|dē cruce  
¶ Ancelmus vraghede fegt mi roofe fon=  
der dooren. waerd|ji oock daer die vader in  
ftorte den fchat der wijfheyt. weendes du  
doē ooc yet. Maria antwoorde dat fwert  
des rouwē ghinc my door mijn herte alfo  
een vyer gaet door dat yfer. ¶ Ancelmus  
[BIr,01]vraghede fegt my weerde vrouwe wat de(=  
den fi doē met dijnē lieuen kijnde. Maria  
antwoorde vroeck in|der morgenfont lei=  
den fi mijn lieue kint vā Annas huylfe eñ  
leydent tot cayphas huylfe des byfchops  
van dies#mael dat hi gheuanghen werdt  
tot|ter noenen en fāch ic hē nyet Ay ancel=  
mus laet dat di ontfermē eñ alle di||et horē  
lafen. Doen ic hē fāch lyep ic tot hē als een  
leuwinne eñ fchoerden mijn clederen dat  
ic fāch dat fijn lieflick aenfchijn mefmaect  
was eñ bespoghē met|ten vuylften fpekkel  
der ioden daer die enghelen in plaghen te  
fiene. ende met|ten flijcke beworpen doen  
Doen werde ic bitterlijke fcreyende. ende  
feyde mijn alder#lyeffte kint hoe lelijck eñ  
hoe eyffelic fie ick di nv mefmaect. die ic fo  
dicke hebbe ghesien in dijn fcoon aenfchij  
eñ ic woud||en helfen ende cuffen. mer fi en  
lieten mi niet tot hē comen. want ic waert  
gheftoten herwaert eñ derwaert van|den  
[BIv,01]ioden t||wolc lyep derwaert van|den ioden  
of]men eenen dyef foude hebben verdaen  
¶ Ancelmus feyde. fegt my fterre der zee

weerde maria vriendinne en hadft|u ghe=  
nen hoepe dat hi daer ghequijt foude fijn  
Maria antwoerde iae ick want ick wifte  
wel dat hi wijs was van finnē en wijflijc  
conde fpreken dat hi hem met talen foude  
ghequijt hebben / neen hi niet. hi ftont als  
een fachtmoedich lam. T||en anderen ma=  
le was hi fo aēminnich en fo lieflijc aen te  
fien dat ic hoepte dat fi fijns ontfermt fou(=  
den hebbē. mer neen fi niet. Ay lieue vriēt  
Ancelme daer#nae niet lanc dat fijn lieflijc  
aenschijn noch meer befpo ghen wert dat  
fach ic. En hi was aen te fiene of hi een la=  
zarus hadde gheweest en doen quamē ve(=  
le valfche ghetughē op hem. T||en eerften.  
dat hi waer een deftrueerder der wet ende  
een verleyder des volcs T||en leftē quamē  
twee valfche ghetuyghen ouer hem ende  
[BIIr,01]feyden. defē menfche heeft gheseyt dat hy  
den tempel heeft macht te#breken en bin=  
nen drie daghen weder te maken En dat  
hi gheseyt hadde dat hi criftus waer. Doe  
vraechde cayphas bift|u Criftus En ihus  
feyde al feide ic||t v ghi en gheloues mi niet  
laeten gaen voorwaer fegghe ick dy ghy  
fult noch fyen des menfchē fone fitten t||er  
rechter|hant godes. ende weder#comen in  
dye wolcken des hemels te oordelen ouer  
leuende en dode. Doen dat cayphas hoor=  
de fchoorde hi fijn cleeder ende feyde. wat  
wild||i orconden / en hoord||i nyet wat hi feyt  
en wat lachter dat hi gode doet wat dunct  
v nv Doen riepen fi allen met luder ftem(=  
men cruyft||en hi is die doot wel weert. Lie(=  
ue Ancelme defē fentencie ghinc my door  
mijn siele ¶ Ancelmus vraechde. feyt my

werwert ghingē fy doen met dijnē lieuē  
kinde Maria antwoorde. tot den rechter  
pylato leiden fi hē want mijn alder#lieffte  
[BIIv,01]kint moſte al#omme loopen. ¶ Ancelmus  
vraechde hoepft|u oec doen yet mijn alder(=)  
lieffte vriendinne. Maria antwoorde. iae  
ick herde feer als die ſchare der ioden ghe=  
comen waren dien hy dicke predicte ende  
voede in|der woeftijnen eñ vele goets dat  
hy hem dicke dede. hyer#om hoepte ick dat  
fi hem ghequijt foudē hebbē van|der doot  
maer neen fi niet. Alle dat goet dat hi hem  
ghedaen hadde haddē fy vergheten. ende  
fi riefen alle ghemeyn met eender luider  
ftēmen. cruyft|len cruyft|len. eñ feiden hem  
ane dat hi ghefeyt hadde dat|men den key(=)  
fer gheen tſijs gheuē en foudē. Doen vra=  
ghede hem pylatus van finen rijcke. Du  
byft coninck der ioden. Doen antwoorde  
ih̄us ſegft|u dat van di ſeluen. oft hebbent  
di ander lieden ghefeit van mi. Doen ant=  
woorde pylatus en bin ic niet een rechter  
eñ en weetft|u niet dat ghi mi geleuert biſt  
van|dē byſſcopē der iodē. Doē antwoorde  
[BIIIr,01]Ih̄us. mijn rijcke en is vā defer werelt niet  
waer mijn rijcke van defer werelt mijne  
dienft#knechten fouden mi helpen dat ick  
niet en worde ghebracht tot defen ſcande=  
liker doot des cruycen. Doen antwoorde  
pylatus. fo biſt|u dan een coninc. Doē ant=  
woorde ih̄us. ghi ſegg|het. want ick bin in  
die werelt comē ende daer#toe bin ic in die  
werelt gheborē. dat ic ghetughe der waer(=)  
heit gheuē foudē. Eñ daer#toe bin ic in die  
werelt comē eñ geborē dat ic ghetuge der  
waerheyt gaue alle die van|der waerheyt

fijn. die horē mijn ftēme. Doē vraechde pi(=)  
latus wat is die waerheit. met dien ghinc  
hi wt en̄ ſchiet vā ih̄us en̄ ghinc t||er buytē  
tot|tē iodē. en̄ pylatus en was niet bericht  
fijnder vraghē. Doe iudas fach dat aldus  
met dien onnofelen ih̄m ghinc. doē quam  
hi ghelopen en̄ feyde ic hebbe meſdaen. ic  
heb eē onnofel bloet vercoft. En̄ doē nam  
hi dye. xxx. penninghen en̄ worp|ſe weder  
[BIIIv,01]den ioden in|dē tempel. en̄ ghinc wringhē  
fjin handē en̄ verhinck hem ſeluen Doen  
ryep pylatus al den raet der prieſteren en̄  
dye meefterſcap des volcs ende feide. ic en  
vinde gheen ſaecke der doot in defen men(=)  
ſche. dien ghi nv hebt ghebrocht en̄ die io=  
den met fijnder leeringhen en̄ begont in||t  
lant vā galilea en̄ is comen tot hier Doen  
pylatus vernam dat hi was een galileus  
man doē feyndē hi hē tot herodes dē conic  
want fi warē ongheuriendē te dien tijden  
Doē herodes hē fach was hy feer verblijt  
wāt hi hadde vele wonders vā hē gehooft  
en̄ hoepte teekenē vā hē te fiene. En̄ hero=  
des vraechde t||en eerſten ofte hi die#ghene  
waer die fijn vader doden woude en̄ daer(=)  
om dat hi dye kinder dede doden. T||en an=  
deren male ofte hi die#ghene waer die den  
blinde maecte fiende en̄ dye cropelē gaen=  
de die douē horēde die dode verwecte van  
der doot ende vele ander teekenē En̄ hero(=)  
[BIVr,01]des beloefdē hē en̄ badt hem woude hi een  
teeke doen voer hē hi foudē verloffen van  
den ioden En̄ ih̄us en antwoorde hē doen  
nyet Doen dit herodes fach ghinc hi ende  
nam eē crone en̄ ſette|ſe op fijn hooft. ende  
gheloofde hē dat hy hē rijck maken foude

waert dat faeke dat hy enich teeken voor  
hē doē woude. eñ ih̄us en wout||s niet doē.  
Doen ftonden die priersterē eñ die princen  
voor Herodes eñ wroechden ih̄m mijnen  
weerdē fone herde feere ¶ Ancelm⁹ fprac  
fegt mi maria weerde roofē ghi hebbet fo  
menighē fuetē name ic en weet di hoe noe(=  
men. Hoopft|u hyer yet van dijner kinde  
Maria antwoorde. Iae ick herde fere. ick  
wift herde wel dat herodes coninc vā ghe(=  
boorten was van natueren Ende hoopte  
dat hi den ouerften coninc mijnē fone fou=  
de ghefpaert hebben. Neen hi niet hy ver=  
fmaed|en eñ dede hē een wit cleet ane#ghe=  
lijc eenen fodt Eñ fcoerdent hem beneden  
[BIVv,01]finē voetē eñ tradē daer#op Alfo dat hi t||er  
aerdē vallen mofte eñ fandt hē weder tot  
pylatus Eñ herodes eñ pilatus wordē vā  
dien daghe voort groote geuriendē Eñ pi(=  
latus wift wel die felheyt dye fi haddē om  
die doot vā mijnen kinde Eñ feynde die io(=  
den teghē hē dat fi hē niet en foudē doden  
doē mij lieue fone weder#comē was Doen  
riep pilatus te terciē al|den raet der io=  
den eñ feide Ghy hebt my defen menfche  
bracht als eenē verleyder des volcs eñ ick  
en vijnde gheen fake der doot in hē Noch  
ooc herodes wāt ic haddē tot hem ghefon=  
den Eñ daer en is hem gheen fchuldighe  
doot ane#gheleyt Ick fall||en caftijen eñ la=  
ten||en gaen Doen ryepen|fē alle dat|mē hē  
cruycen foudē Ende wy willen barrabas  
hebben Eñ pilatus feyde anderwerf wat  
heeft hi quaets ghedaen Ic en vinde in hē  
gheen fake der doot Ick fall||en gheeffelen  
eñ laten||en gaen Doen ftonden die ioden

[CIr,01]op en̄ riepen met luder ftemmen. cruyft||ē  
 cruyft||en. Doen lyep pilatus wijf t||er vier(=)  
 fcharen en̄ feide. en onderveynt v niet vā  
 defen gherechtighē menfche Ick ben vele  
 ghepijnt om finent wille. Doen verfiende  
 pylatus eenē raet op#dat die wreetheit der  
 ioden ghenoech mochte doen. en̄ nam ih̄u  
 en gaff||en den knechten En̄ dye knechten  
 ghinghē ih̄u ontcleeden dat onnofel lam.  
 En̄ bonden|ē aen een calomme die was foe  
 groot. dat die een hant die ander niet ghe=  
 naken en confte in twee fpannē nae Doē  
 namen fie een ftercke fcherpe corde en̄ bon=  
 den hē beyde fijn handē aen die calomne.  
 En̄ floeghē den lieuē fone mij mit gheeffe(=  
 len al ontwee dat hē dz bloet t||allen ftedē af(=  
 liep. En̄ dat in hem gheen ghefontheit en  
 was want hi was al#door|wont. ¶ Ancel=  
 mus vragede. feg||t mi morgenfterre root  
 der fonnē ghelijc. die mane onder dē voet  
 met xij. fterrē gecroont weerde vriendine  
 [CIv,01]hoopft|u doen yet. Maria antwoorde <fan>(=  
 <te> Ancelme lieue vrient herde feere om de=  
 fer faeken wille die ic u openbaren fal. dat  
 was om die ouerfcoonheit fijnder fchoon(=  
 der leden. En̄ om wel voeghens fijns pro=  
 pers lichaēs. Daer#ō hoopt ic als fi hē ont=  
 cleet haddē en̄ finē fchonē lychaem gefien  
 haddē. dat fi dan der fcoonheit ontfermen  
 foudē. Mer wach Ancelmus lieue vrient  
 daer#nae niet langher en fach ick dye lenc=  
 te ende die breyde fijns lichaems Alfoe o=  
 uerftort en̄ befmet van|dē bloede. recht of  
 hy purpur hadde aengedaen En̄ om dye  
 oueruloeēde vloet fijns gebenedijt bloets  
 fijns lichaēs. En̄ om die eifelicheit fijnder

ghebenedider ledē. Dye met|tē gheeffelen  
al ontwee gheflagē warē. was hy als een  
lazars. daer|mē ghene mēfcheit ane en fiet  
hier#nae namē die ridders eē doorne#cro=  
ne eñ fettē|fē op fijn hooft. Eñ cleeden||ē met  
eenē purpurē mantel. eñ gauē hē een riet  
[CIIr,01]<I>n fijn hant eñ feidē tot hē God gruet v co(=  
ninc der ioden Eñ floeghen||ē aen fijn ghe=  
benedide wanghē eñ in fijnen hals. fo dat  
die lyeue xps t||er aerden nictē ende vallen  
moſte Defē crone namen|fē eñ dructen|fē  
hem in fijn ghebenedide hooft alfo dat dat  
bloet vloeynde neder liep al ouer fijn lief=  
lic aenſchijn. van|dē. lxxij. wonden die dye  
dorne#crone maeckte in fijn ghebenedijde  
hooft Ende aldus gheciert feide pilat<sup>9</sup> mij  
lieue kint daer#buten. Eñ feyde fiet uwen  
conic. oft hi fegghē woude. Syet hier den  
lieflikē mā die ghi mi leuerdet alfo ſchone  
Syet hoe ontfermhertelike eñ hoe eyfeli=  
ke is hy belopen met|tē bloede Ende door=  
gaen met allen rouwe. quade felle hondē  
hi ftaet hyer#voor als een onnofel lam <e>n  
fal||s v niet ontfermē ¶ Ay alder#lieffte kin(=  
der doet wech die houerdie eñ die wijf<h>eit  
defēr werelt eñ laet v otfērmē defēr bitter  
pijnē eñ groter ſcandē Die xps dz eewige  
[CIIv,01]woort daer moefte ontfaen voor oſ allen.  
want die felle hondē riepen doet||en wech.  
Cruyft||en. Doen feyde pylatus neemt||en  
eñ cruyft||en. Eñ fi antwoorden wy hebbē  
een wet eñ nae onſe wet fal hi ſteruē wāt  
hi feyt dat hi dye ſone gods is. Doen pyla=  
tus defē redene hoorde ontfach hi hē meer  
eñ ghinck in die dinghebanck eñ ſprac tot  
ih̄us. eñ vraghede hē vā waer byft|u. mer

iĥus en antwoorde hē niet. Doen feide pi=  
latus. du en antwoorts mi niet. ende weet  
ghi niet dat ic macht hebbe di te latē gaen  
Doen antwoorde iĥus. du en hads gheen  
macht aen mi ten waer di verleent vā bo(=  
uen. daer#ō heeft hi meerder fonde die my  
v gheleuert heeft / ende vā dier vren voort  
fochte pilatus eenē raet hoe hy hē mochte  
laten gaen. Eñ doen riepen die ioden laet(=  
ft|u defen man gaen fo en fid||y des keyfers  
vrient. niet. Doen pilatus fach dat niet en  
holp nam hi een vat met water daer hi in  
[CIIIr,01]dwoech fijn handē eñ feide. ic bin onfchul(=  
dych des gherechs bloets ghy fieg|het wel  
Eñ doen riep dat ghemein volc. fijn bloet  
fi op ons eñ op ons kinderē. Doen riepen  
die ioden met eender ftēmen dat fi barra=  
bas hebben woudē. eñ dat|mē iĥu crucen  
foude. Mer om#dat gheroep dat die ioden  
maecten om fijnen doot. en conft pylatus  
niet langher horē. eñ bracht voort die fen=  
tencie der fchandeliker doot. Eñ ryep met  
eender luder ftēmen voor dye ioden. Iĥm  
vā nazarenē verdoeme ic vā liue t||er doot  
der fcandeliker doot des crucen. Ay ihesu  
lieue vader fo langhe hebd||y ōme#gegaen  
dat ghi dye fentēcie der doot hebt ontfaen  
¶ Ancelmus fprac fegt mi maria fchoone  
vrouwe. doen ghy dit hoordet en waerd||y  
doē niet vol van rouwē Maria antwoor=  
de dye fentēcie der doot ghinc mi door mij  
herte doē pylatus riep. ¶ Ancelmus vra=  
ghede. wat deden fi nv met iĥm dijnē kin=  
[CIIIv,01]de. eñ met mijnē lyeuē heere te middaghe  
Maria antwoorde hier namen fi mijnen  
lyeuē fone alfo iohānes fcrijft eñ ghinghē



eñ leyden hem daer fy hē crucen foudē eñ  
dwonghē hē daer#toe dat hy lopen moſte.  
alfo dat t||elkē voetſtappe fijn bloet t||er aer(=)  
den ftorteden. Eñ fy ftieten||en herwert eñ  
derwaert fo dat hi vallē moefte. eñ fi wor=  
pen hē met flijcke. eñ dat cruyce was alfo  
groot datt||et was. xv. voetē lanc. Eñ mijn  
lyeue kint wert alfoe cranc vā dyen lopen  
in|der nacht. eñ vā dien groten ſlaghē dye  
hy ontfaen hadde aen|der calomnē. eñ ooc  
heeft hi. xxxij. iaer gheweef in pijnen eñ  
in arbeide. fo#dat hi neder#viel eñ en conſte  
dat cruce niet ghedragē. hoort hier groot  
wonder dye hemelrijc eñ aertrijc onthout  
Die was fo cranc na|der menſcheit dat hy  
dat cruce niet en conſte ghedraghē. Doen  
namē fi eenē man die fyneon hiet. die in||t  
ghemoete hē teghē quā in dē weghe. Doē  
[CIVr,01]dwonghen|fe hē dat hi dat cruce nae Iĥm  
mo<ft>e draghē. nyet dat|fe met hem doeghe(=)  
den. Mer om fine crancheit dat hij||s niet  
ghedraghē en conſte. ¶ Sinte Ancelmus  
vragede. Seg||t mi ſuete weerdighe vrou=  
we volghede hem oec yemant doe|me|| wt=  
werdt leyde. Ia|et lieue vrient Ancelme al(=)  
le dat volck lyep fo feere ouerhoop of|men  
eenen dief foudē hebbē gaen hanghē. Eñ  
lucas ſcrijft dat hē vrouwen volchden die  
ryepen op hē eñ weenden bitterlike. doen  
keerde hem mijn lieue kint ōme tot|tē wij=  
uen eñ feide ghi dochterē van iheruſalem  
en weent niet op my. maer op v ſeluen eñ  
op v kinderen. die mi met flijcke ende met  
fteenderen worpen. fi en weten niet wat fi  
doen. want dye daghen fullen comen. in  
welcken fi fullen ſegghen. ſalich fijn die

ondrchtighe ende dye lichamen die noyt  
en|droghen. ende die borften die noyt en fo(=)  
ghen. eñ dan fullen|fe fegghē tot|tē berghē  
[CIVv,01]valt op ons. eñ ghi hemelen bedect os. oft  
fi dit doen in eenen gronen houte wat ful=  
len fi doē in|dē dorren. dat is in mij sanctē.  
Eñ doen|fe hē wech#leyden. doen leyden|fe  
twee quade mēschē met hem. om#dat fine  
fchande te meerder wesen soude. Doe|mē  
mijn lyef kint yerft wt||er ftadt leydē soude  
had ic hem gherne ghesproken. mer ic en  
confte om dye menichte van|dē volcke. eñ  
om#dat lopen ende dat springhē dat fi her=  
wert eñ ghijnfwaert spronghē. en mocht  
ic tot hem niet comen. Mer t||en lesten als  
maria magdalena werdt verloft van|den  
volcke. eñ wy te#gader quamē in eē fraet  
doen liepen wie aen een fonteyne als twee  
verwoede wiuen. op#dat wi hem ghemoe(=)  
ten mochten. Eñ als wi quamē teghē die  
fonteyne ontmoeten wi xpm mijnē lieuē  
fone. Doen faghē wi onghelijc eenē men=  
sche eñ waren vol vā rouwe. Doen neech  
hy sijn hoofd tot mi ende sprac. O moeder  
[CVr,01]moeder recht of hi fegghē woude. Wtuer=  
coren moeder. ic dancke eñ loue v om dye  
menichfuldijghe doechden dye mi van dy  
gheuallen sijn. Eñ om die grote armoede  
eñ arbeyt die du om mijnē wille hebt ghe(=)  
draghen in dat ouerfte armoede dye noyt  
creatuere en leet om minen wille. Eñ nv  
in deser groter schanden die ic ontfae om  
alle menschē. nochtansen verdryet v my  
niet te volgene. Doen quamē|fe daer fij||en  
crucen soudē. eñ twee morders met hem.  
eenē t||er rechter hant. den anderē t||er flinc(=)

ker hant. ¶ Ancelmus vragede. segt my  
maria weerde coninghine eñ fuete vrien=  
dinne. wat deden fi doē hier#nae met dinē  
lieuen kinde. Maria antwoorde doen. fi  
quamen t||er onmenscheliker ftadt t||en ber(=  
ghe van caluarien daer|men dyeuē plach(=  
te hanghen wñ die honden eñ alderhande  
beefsten te villen. Daer namen fy mijnen  
lieuen fone. eñ deden hem wt fijn cleederē  
[CVv,01]wit. Doen ic dat fack doē was ic wt mijnē  
finne Nochtās greep ic den doec vā mijnē  
hoofde eñ werp||ē hē om fine lenden. Hier(=  
nae namen fi dat cruce eñ floeghē hē daer(=  
ane. ¶ Ancelm⁹ vragede. Segt mi maria  
foete roofē mijn weerde vriendinne. wat  
deden fi doen met hem. Maria antwoor=  
de Ancelme lieue vrient Dat ghi fult horē  
dat||s alte ontfermelic. mer gheen euange=  
liften en hebbent gefcreuē. Die gaten des  
crucen en waren te poente niet ghemaect  
na die armen mijns liefs kints. Doen na=  
men|fē ftercke coordē eñ recten dye armen  
wte nae den cruce met plompen nagelen  
die warē alfo groot eñ dicke dat fijn bloet  
nyet wt en confte ghelopen van|dē hande  
eñ voeten alfo dat die wondē woordē ver=  
uollet met|ten naghelen alfoe dat|men alle  
fine heyliche leden in fynen ghebenedide  
lychaem tellen mochte. Doen waert oock  
veruollet dye prophecie Dauids dye dae<r>  
[CVIr,01]fpreeckt in|den fouter. hore dochter ende  
fie||t. recht of hi fegghē woude. hoort lyeue  
waerdijghe moeder dye heefcheyt dijns  
kints ende fyet hoe mijn handen eñ mijn  
voetē fijn doorboort met plompen naghe(=  
len Ick hebbe mijn handen wt#gherect eñ

mijn voeten ghegheuen door te flaen om  
dat ic bewijfen woude dye minne. Syet  
doet dat ghy wilt met mi. ic ben bereet op(=  
dat ic die menfchen teghen mijnen vader  
verfoenē mach. Eñ niemant en ontfermt  
mijns. dan ghy wtuercorē moeder. lieue  
moeder hoort eñ fiet eñ latet die ontfermē.  
Doen ick dit hoorde ende fāch dat fweert  
des rouwen fyneones doorghinc mijne  
fiele. ¶ Te noen tijt.

Hier#nae namen fi hem eñ rechten||en op  
met|ten cruce. met groten arbeyde eñ hin=  
ghen||en alfo hoghe dat ic fijn voeten nyet  
gereykē en cōfte. hoort lieue vrient Ancel=  
mus dat alre#weenlicfte is Doen hi met|tē  
[CVIv,01]cruce was op#ghehanghē. doē viel hi met=|  
ten cruce weder t||er aerden. Doen namen  
fi dat cruce eñ lieten||t met groter onweer=  
de in dye aerde vallen. Doen worden alle  
fijn wonden gheschoert. eñ van nieuwes  
op#ghedaen die hy daer in|der calomne eñ  
aen|dē cruce hadde ontfaen. Eñ doē ghinc  
dat bloet vā finen handen eñ voeten ierft  
wt#rinnen eñ vloien. Eñ ic hadde ane een  
derhande cleet ghelijc dat vrouwē dye vā  
conincx gheslachte waren plaghen te dra=  
ghen. Eñ dat cleet was altemale befprayt  
eñ belopen vā finē bloede. want fijn bloet  
op mi drupte doē ic onder dat cruce ffont.  
¶ Ancelmus fprac. fegt my weerde vrou=  
we fuate vriendinne. wat deden fi hier#na  
met hem. Maria antwoorde. doen|fē ghe=  
cruyft hadden mijn lieue kint. doē deyldē  
fi fijn cleeder. eñ op|t||en onghenaydē rock  
werpen fi een lot. Eñ pylatus fcreef bouē  
fijn hooft ih̄us nazarene conic der ioden

[CVIIr,01]ende die ioden riepen en fcrijft niet coninc  
 der ioden Doē antwoorde pylatus eñ fey(=  
 de dat ic ghescreuen heb blijft ghescreuen  
 ¶ Ancelmus sprack segt my maria lyeue  
 vryendynne wat deden|fe doen met hem.  
 Maria antwoorde noch en lietē fij||s nyet  
 met ghemake eñ wageden haer hoofden  
 op hem daer hy hync ghenaghelt aen|den  
 cruce eñ ryepen. Dach du destrueers den  
 tempel eñ binnē drien daghē wild||i||en we=  
 der op#maken. nv verloft v seluen oft|u die  
 gods sone bift. Des#ghelijc riepen ooc dye  
 princen der ioden met|ten fcrijben eñ met=|  
 ten ouders des volcs eñ feyden. An|der lie=  
 den so heeft hi ghenefen. eñ hē feluē en can  
 hy niet ghehelpen. Offt|u bift van ifrahel  
 ganc van|dē cruce. eñ wi fullen aen v ghe=  
 loouen. Ghelooft in gode hy fâl v quijten  
 wāt|ghi segt du bift die gods sone. ¶ Ancel(=  
 mus vraechde. wat antwoorde daer#toe v  
 lieue kint. Maria sprac. Ancelme hi feyde  
 [CVIIv,01]vader vergheuet hē. wāt fi en weten niet  
 wat fi doen. dat volc bespotten hē daer hy  
 so iamerlike hinc dat hi wel segghē mocht  
 mercket alle dye hier lijdē bi|dē weghe. eñ  
 fiet eenighē rouwe ghelijc dē mijnē. eñ hi  
 mochte wel segghen tot fij lyeue moeder.  
 Syet lieue moeder die dieren hebbē haer  
 hollen. eñ die voghelen haer nesten daer fi  
 in rusten eñ dijn kint en heeft niet daer hi  
 fijn hooft aen#neygē mochte. fiet die scāde  
 dye ic ontfae voor alle mēfchē eñ ghelooft  
 dat ic dy maget t||er werelt brochte. eñ ghy  
 mi ontvinghes van|dē heylighē gheeft. eñ  
 dat ic verenicht bin met|ten vader vā he=  
 melrijcke. doē ginc dat sweert des rouwē

door mijn herte. Doen dit hoorde dye dief  
die t||er flincker hant hinc. doen bescaemde  
hi iħm eñ feide. Oft du bist xps behout dy  
feluen eñ ons mede. Doen antwoorde die  
dyef dye t||er rechter hant hinc eñ versprac  
finen ghefelle eñ feyde. ghi en ontfiet gode  
[CVIIIr,01]niet die hier hanghet op dat eynde sijns le(=)  
uens. Wy hebben gherecht loon nae ons  
leuen. ende defe goede man heeft niet mis=  
daen. Doen sprac hi tot onsen heere eñ fei=  
de. heere ghedenckt mijns als du comt in  
dijn rijcke. Ende ihesus antwoerde. Voor(=)  
waer seg ic di. du fult voor den auont met  
mi sijn in||t paradijs. ¶ Ancelmus vraech=  
de. segt my waerde maria hoe ftont doen  
met dy. Maria antwoorde. ick ftont doen  
onder den cruce vol van rouwe ende wee  
eñ met my ftonden mijn twee susteren eñ  
maria magdalena. ende doen hi mi sach  
ende finte Ian finen ionghere dien hy be=  
minde. Doen feide hi wijf fiet hyer dijnen  
fone. Och Ancelme lyeue vrient. wat ont=  
fermeliker sentēcie was dat. dat ic moefte  
aensien eens visschers fone voor den here  
van|dē throne. Eñ iħus feide. Ian fiet hier  
dijn moeder. ick moet steruen. Nu hebt in  
hoedē mijnder lieuer moeder. Daer wert  
[CVIIIv,01]groote donckerheyt op alle aertrijcke tot  
der noenen toe eñ hyer#na ryep iħus met  
eender luder ftēmen hely hely lamazaba=  
tani. hoc est deus meus deus me⁹ ut quid  
dereliquisti me. Dat is mijn god mij god.  
waer#om heb||i my ghelaten. Doen feydē  
fommige van|dē ioden. defe roept helyas.  
laet sien sal helyas comen eñ verlossen hē  
Daer ryep hi met eender luder stemmen

my dorft. Doen namen si galle ende edick  
ghemenckt en bonden||t op een ryet en bo=  
den||t hem te drincken Doen hi den dranck  
ghesmaect hadde. doen sprack hy het is al  
veruult Ende hier#na riep hi met eender  
luder stemmen Vader in dinen handen be=  
ueel ic mijnen gheeft en liet sijn ghebene=  
dide hoeft neyghen op sijn borste ende gaf  
sijnen gheeft. Doen schoerde dat cleet des  
tempels in twee stucken en die aerde beef(=  
de en dye steenen schoerden. en dye sonne  
liet haer schijnen en die doden op#stonden  
[Dir,01]en nae sijn verrifenisfe quamē si in die hey(=  
lighe stadt vā iherusalem en openbaerde  
hem vele lieden. Mer daer was een man  
die hiet Centurio en ander lieden die ihm  
hoeden en Centurio ghebenedijde god en  
die vrouwen die hem gheuolcht warē vā  
galileen stonden vā verre en saghē dit en  
weenden bitterlic. ¶ Ancelmus vraechde  
sēgt mi maria en hadde dijnē rouwe noch  
gheen eynde Maria antwoorde neen hy  
niet Ancelme wāt dye achterste prophecie  
en was noch niet veruult daer hi spreect.  
Door dijn fyele fal gaen dat sweert dat al=  
te weenliken is Ancelme lieue vrient. het  
was eenen goeden saterdach den ioden.  
so#dat|ter nyemant en mochte bliuen han=  
ghende op dyen dach. Doen ghinghen|se.  
en braken den schekers dye beenen en de=  
den|se van|der galghen. Maer doen|se qua(=  
men tot mijnen sone ihus en si saghen dat  
hi doot was. so en braken|se sijn beenē niet  
[Div,01]Mer daer quam een ridder die blint was  
en badt dat|men hē gheuē soude een spere  
en dat|men||t settē woude op die borst mijs

liefs kints op#dat hi dat hert te badt ghera(=)  
ken foude. Doen nam hy dat ſpeere ende  
ſtack dat herte ontwee te myddewert dat=  
ter bloet eñ water wt#ghelopen quam nef(=)  
fens dat ſpeer neder Eñ die ridder naem||s  
ware. eñ beftreeck fijn oghen daer#mede.  
ende hi werdt fiende Eñ als ic ſach ſprack  
maria dat|ſe aldus||o|anyghe felheyt deden  
aen eenen dooden menſche. doen werdt ic  
al wt mijnen fin Ende doen wert die pro=  
phecie veruult dye daer ſpreect door dijne  
fiel ſal gaen een ſweert des rouwen. Ende  
nv ghebraken mi di tranē. alfo veel had  
ic gheweent des nachts te#vorē. eñ ic ryep  
lieue kint wie ſal mi nu trooftē och moch=  
te ic met dy fteruē. Met defen eñ met des(=)  
gheliken beweende ic die doot mijns liefs  
kints ¶ Ancelmus vraghede ſegt mi ma=  
[DIr,01]ria. wat deden ſi hier#nae met dijne kinde  
Maria antwoerde. hier#nae ghinc ioſeph  
eñ Nycodemus tot pylatus ende badē hē  
dat hi hē gheuē woude den dodē lichaem  
ihū af te doene eñ ander reden die hi ſeide  
ſo ſeidē ſi tot pilatus eeft datt|u den lichaē  
volliken ons gheeft ſo fullē wy dye ſchone  
vrouwe verblidē fijn lieue moeder maria  
want ſi heeft ſo groten rouwe als ſi hadde  
doen ſi hem ſach gheeffelen eñ beſpuwen  
Eñ fijn herte ontwee gheſtekē eñ fijn ade(=)  
ren ſcoerden. eñ fijn oghē braken dit heeft  
ſe al in haer herte befloten hier#om heeft|ſe  
ſo grotē rouwe dat|ſe nyemant aen en fiet  
hi en moet met haer doghē. Doen vraech=  
de pylatus of hi doot ware. eñ onderuant  
die waerheyt vā Centurio die gheuallen  
waren. eñ doen oorlofden hi te gheuē den



lichaem ihesu. Ancelmus lieue vriend laet  
dat di ontfermen. en alle die||t horen leven.  
Doen ioseph den lichaem af soude doem front  
[DIIv,01]ic opwert en sach wanneer hi ontnaghet  
soude sijn Doem ihesus op||t eynde van|de cru=  
ce lach nam ic sijn hooft in mijnen schoot.  
en begonste seer te weenen en riep met lu(=  
der stemmen. wach|armen mijn alder#lieffte  
kint wat trooft hebbe ic nv. Ic die dy doot  
voor mi legghen sie. doen viel sint Ian op  
sijn borst ende wonden bitterlijken seere.  
Doen quam peter ghelopen ghelijck een  
wtfinnich mensche. en begonste bitterlic te  
weenen. om#dat hi sijns liefs meesters ghe=  
lochent hadde. Ay lieue here en lieue mee=  
ster ic seide Ic en soude v niet begheuen mi  
dunct ghy sijt alleene in die perste bleuen  
Doen quam maria magdalena en weende  
bitterlic. en riep ihesu wie sal mi nv mij son(=  
den vergheuen en wie sal my ontsuldigem  
Doem quam iacob mijns kints broeder was  
ghehetem om#dat hy hem alder#ghelicxt was.  
en seide met grotem tranem. wach lieue mee=  
ster den dach die leden is was mi dit min=  
[DIIIr,01]saem aenschijn ghelijc en nv ist mi onghe(=  
lijc. Doen quam die ander apostelen ooc  
ghelopen en weendem allen bitterlijc seere.  
dat si haren lieuem meester dus lachterlike  
begheuen hadden Doen ghinc ihesus mijn  
lyeue sone tot mijne troostere en tot sinen  
iongeren ende gloryficeerde hem daer voor  
ons. So#dat ghene van sinen wonden oft  
van sinen anderen tormenten noch van al(=  
len sijnder quetsinghem en openbaerde daer  
dien vijf wonden dye hy sal houden tot|ten  
domestdage. ende al#daer openbaerde hy

hem recht of hi niet gepijnt en hadde ghe=  
weeft. en daer#aen ontvinghen wy groten  
trooft ende fine ionghers en doen fy hem  
grauen fouden. doen hyelt ic den lichaem  
fterkelike en met groten wee. en en wout  
niet laten grauen en ic riep met eender lu(=  
der stemen. ay alder#lieffte neue iohannes  
laet mi mijnē doden fone begrauen dye ic  
nyet leuendich en mach behoudē. ende ift  
[DIIIv,01]orbaerlijc so bidde ick di graeft my met hē  
Iohannes antwoorde ghi weet wel alder(=  
lieffte vrouwe datt|let anders niet wesen en  
mochte want anders dat mēschelike ghe=  
flachte niet verloft en foude werden. ende  
ic viel op dat graf ende ick feyde ick wylle  
hier sitten bey|den tot dat ick sterue. Doen  
nam mi iohannes teghen mijnen willen  
en leiden my in die stadt. en die lieden vā  
iherufalem die saghen mijn cleederen die  
ick ane#hadde dat fy besprayt waren van=  
den bloede mijns liefs kints. also ic onder  
den cruce ftont bedropen van finen ghebe(=  
nediden bloede. Doen feyden si o wat gro(=  
ter onrechte is huyden ghedaen in iheru=  
falem. Aen defer goeder vrouwen fone en  
doechden al#te#famen met mi. Doen besflo=  
ten dye felle boose ioden Ioseph in eenen  
donckeren kerker. En ouer .xl. iaerē daer(=  
nae quamē Tytus ende Vespasianus en  
deftrueerden Iherufalem foe feer. dat den  
[DIVr,01]eenen steen op|ten anderen nyet en bleef  
ligghē. En ghelijc als fy xpm cochten om  
xxx. pennighen. so gauen si .xxx. ioden om  
eenen penninck

¶ Gheprint tot Vtrecht op den hoec van  
dye faelftraet By my Jan Berncken In||t

iaer ons heeren. M. CCCCC. ende xxiii.  
des donredaechs nae den pijnxterdach.